

DEN SKINA CAYENTE....

Fotos y Texto: Jan Poets

Diadomingo 30
November 9'or PM
na Tele Aruba...

**POETS TV
FOR DI
ESTONIA CU
GANADOR DI
EUROVISION
2001..EFREN
BENITA...
"DAVE
BENTON"...**



** Keda pendiente pa e programa di e gran cantante Arubano, Efren Benita, famoso na Europa como Dave Benton, ganador di Eurovision 2001 pa pais Estonia. E programa aki a ser graba na Estonia y Latvia pa Poets TV...

JAQUON EISDEN CAUSANDO FUROR NA HULANDA Y EUROPA DEN E MUNDO DI BIKE CROSS...

** E joven Jaquon Eisdén, yiu di e popular rapero Janiro Eisdén y Xiomara Nurse, ta causando furor na Europa den e mundo di bike cross. Den Skina Cayente por a compronde for di su Mama, Xiomara, cu Jaquon a caba di sali na di dos lugar recientemente na Federica, Dinamarca, na unda el a representa Hulanda durante Danish Indoor Competition 2003 y a logra di sali na di dos lugar. Jaquon a representa Hulanda despues cu el titula campeón durante "The Netherlands National Competition BMX". Na februari 2004, Jaquon lo core na Francia representando Hulanda un biaha mas. Actualmente na Hulanda Jaquon ta core pa e cross team THE WHEELS, coriendo tur parti di hulanda cu hopi exitonan den cual el a conquista e prome lugar den edat 8-9 aña. Otro siman Jaquon lo ta na Aruba y por spera riba mas reportahe di su exitonan na Hulanda...



** Aki Jaquon Eisdén ta ricibi su premio como campeón durante "The Netherlands National Competition BMX". E torneo aki a tuma lugar dos luna pasa na Valkenswaard, Hulanda...

ZIZI LEE INVITADO DI HONOR NA MARTINIQUE DURANTE UN GRANDIOSO SHOW DI MODA "AFRIKASTING"...



** Zizi Lee, Aruba su eterno 1e finalista di Miss Mundo 2001 na Sun City, South Africa, a haya un invitacion pa ta presente na Martinique dia 6 di december proximo, na unda e lo ta invitado di honor durante un grandioso show di

moda titula "AfriKasting". E show di moda aki ta conta cu modelonan profesional di Francia y New York y lo ser transmiti enbibo pa henter Martinique y Guadeloupe. Tabata durante certamen Miss Universe na Puerto Rico, cu Zizi Lee tabata

presentadora di Poets TV, cu Poets TV a recomenda e fotografo di Ocean Magazine pa Zizi Lee aparece riba e portada, cual a duna fruta cu Zizi Lee ta ricibi e oportunidad grandi aki. Keda pendiente pa un reportahe mas amplio otro siman...

BRISA BANDA SHOW TA LANSA NAN CD.. "18 UN AÑA MAS"...



** Brisa Banda Show a lansa nan CD nobo pa fin di aña, "18 Un Aña Mas". E aña aki Brisa Banda Show a cumpli 18 aña di existencia y pa e motibo aki a produci e CD como un regalo pa tur nan fanatico. E CD ta contene

cuater cancion "Dushi fin di aña", "Tin Ambiente", "Bini Bek" y "Un aña Mas". E CD aki a ser produci pa e talentoso joven Roderick Albus. Por haya e tremendo CD aki cumpra cerca Ed Albus na 9939213...